

Pinngitsaaliissummik unitsitsinermi periutsit pillugit Namminersorlutik Oqartussat nalunaarutaat nr. 17, 2. december 2013-imeersoq

Tarnimikkut nappaatilinnik nammincersinnaajunnaarsitsineq allatigullu pinngitsaaliissummik iliuseqarneq pillugu Inatsisartut inatsisaanni nr. 24-mi , 3. december 2012-imeersumi § 8, imm. 3, naapertorlugu aalajangersarneqarput:

Kapitali 1

Nakorsamik aggersaaneq

§ 1. Napparsimasup tarnimigut nappaateqarsorinartup nammineq katsorsartinnissi isumaginngippagu, tarnimikkut nappaatilinnik nammineersinnaajunnaarsitsineq allatigullu pinngitsaaliissummik iliuseqarneq pillugu Inatsisartut inatsisaanni § 6, imm 1, naapertorlugu unitsitsinissaq siunertaralugu qanigisaasut peqqinnissaqarfimmut attaveqassapput.

Imm. 2. Napparsimasup qaniginerusai tassaapput aappaasoq, inooqataasoq, angajoqqaat, qitornat inersimasut, napparsimasullu inoqutai. Napparsimasoq paaqqinniffimmiippat, unitsitsinissaq siunertaralugu peqqinnissaqarfimmut attaveqarnissamut pisussaaffik sulisuniippoq.

§ 2. Qanigisaasut allalluunniit peqqinnissaqarfimmut saaffiginnngippata, politiit tamatumunnga pisussaaffeqarput.

Kapitali 2

Nakorsaq unitsitsisoq

§ 3. Nakorsap napparsimasoq misissoreerlugu unitsinneqarnissaa pisariaqartoq paasiguniuk, Inatsisartut inatsisaanni § 3, imm. 1-imi aalajangersagaq naapertorlugu nakorsap napparsimasoq uninnissaanut akuersitinniassavaa, tamatumunngalu atatillugu Inatsisartut Inatsisaanni § 3, imm. 2, naapertorlugu pingaartumik uninnerup siunertaanik peqqissinerusinnaanerlu pillugit ilitersorlugu.

Imm. 2. Inatsisartut inatsisaanni § 4, imm. 1, naapertorlugu pissutsit apeqqutaatillugit, napparsimasoq uninnissamut apeqqut pillugu naammaginantumik piffissalerlugu eqqarsarfissinneqassaaq.

§ 4. Napparsimasoq paasissutissinneqareerluni unitsinneqarnissamut akuersinngippat, pinngitsaaliissummik unitsinneqarnissaa pisariaqarnersoq nakorsamit nalilivigineqassaaq.

Imm. 2. Inatsisartut Inatsisaanni § 5 naapertorlugu piumasaqaatit eqquutsinneqarpata pinngitsaaliissummik unitsitsisoqassaaq.

§ 5. Pinngitsaaliissummik unitsitsisoqassappat, nakorsaq nappaatip suusinnaaneramik, napparsimasup tarnimigut pissusaanik nakorsallu Inatsisartut inatsisaanni § 5, imm. 1 (katsorsartittariaqarneq) imal. imm. 2 (navianartorsiortitsisinnaaneq) naapertorlugu, piumasaqaatit eqquutsinneqarnerannut isumaqataanermik imalimmik nalunaarusiussaaq.

Imm. 2. Nalunaarut unitsitsinissaq pineqartoq siunertaralugu, nakorsap nammineq misissuineramik tunngaveqassaaq.

Imm. 3. Misissuineq naammassiniariapat piaarnerpaamik nalunaarusiortoqassaaq.

Imm. 4. Pinngitsaaliissummik unitsitsisoqarnissaa siunertaralugu nalunnaarut nakorsap politiinut tunniutissavaa imal. nassiutissavaa.

Kapitali 3

Pinngitsaaliissummik unitsitsineq

§ 6. Pinngitsaaliissummik unitsitsinissap isumagineqarnissaa politiit aalajangiivigissavaat.

§ 7. Pinngitsaaliissummik unitsitsinissamut aalajangiisussap, pinngitsaaliissummik unitsitsinermut atatillugu Inatsisartut inatsisaanni piumasaqaatit eqquutsinneqarnerat, tamatumunngalu atatillugu Inatsisartut inatsisaat naapertorlugu periusissap eqquutsinneqarnera, nakorsallu nalunaarutaa paasisutissanik pinngitsaaliissummik unitsitsinissamut tunngavissatut pisariaqartitanik imaqarnersoq misissussavaa.

§ 8. Sumi pinngitsaaliissummik unitsitsi soqarnissaa, ingerlaannaq unitsitsinissaq pisariaqanngippat, qaqugu tamatuma pinissaa pillugu, politiit Dronning Ingridip Napparsimmavissuani tarnimikkut nappaatilinnut immikkoortortaqaarfik isumaqatigiissuteqaarfigissavaat. Inatsisartut inatsisaanni § 1, imm. 2, naapertorlugu Peqqinnissaqaarfiup immikkoortuini allani ingerlaannaq pinngitsaaliissummik unitsitsisoqarallartariaqassappat, Dronning Ingridip Napparsimmavissuani tarnimikkut nappaatilinnut immikkoortortaqaarfik, napparsimasup immikkoortortamut qaqugu nuunneqarnissaa pillugu, piaarnerpaamik attavigineqassaaq.

§ 9. Inatsisartut Inatsisaanni § 5, imm. 1 (katsorsartittariaqarnek) naapertorlugu pinngitsaaliissummik unitsitsisoqarpat, nakorsap unitsitsisup napparsimasumik misissuineranut atatillugu pinngitsaaliissummik unitsitsisoqanngippat, pinngitsaaliissummik unitsitsinissap qaqugu pinissaa pillugu, politiit nakorsamut unitsitsisumut ilisimatitsissapput. Pinngitsaaliissummik unitsitsinissap qaqugu pinissaa aalajangiivigineqarniariapat, piaarnerpaamik ilisimatitsissutigineqassaaq.

Imm. 2. Pinngitsaaliissummik unitsitsinermi nakorsaq unitsitsisoq sapinngisamik peqataassaaq. Tamatumani Inatsisartut inatsisaanni §§ 3 aamma 38 naapertorlugit nakorsaq napparsimasumik ilitsersueqqissaaq, pinngitsaaliissummillu unitsitsinissamut piumasaqaatit eqquutsinneqarnerat misissussallugu.

§ 10. Pinngitsaaliissummik unitsitsinermi Inatsisartut inatsisaanni § 5, nr. 2 (navianartorsiortitsisinnaaneq) naapertorlugu nakorsap misissuinerana ullup unnuallu kingulliup ingerlanerani pisimansoq, Inatsisartullu inatsisaanni § 7, imm. 3 (katsorsartittariaqarnek) naapertorlugu unitsitsineq, ullut arfineq marluk kingulliit iluanni pisimansoq politiit misissussavaat.

Imm. 2. Inatsisartut inatsisaanni § 7, imm. 3, naapertorlugu piffissaliussat eqquutsinneqanngippata, nakorsap napparsimasumik misissueqqinneratigut unitsitsinissamullu tunngatillugu nutaanik allagartaliornikkut aatsaat pinngitsaaliissummik unitsitsisoqarsinnaavoq.

§ 11. Pinngitsaaliissummik unitsitsineq Inatsisartut inatsisaanni § 4, imm. 3, naapertorlugu, pisariaqanngitsumik kanngutsatsitsisoqaqqunagu akornuseeqqunaguluunniit, sapinngisaaq tamaat qajassuartumik malunnaarsartumillu ingerlanneqassaaq. Politiit peqataasut sapinngisaaq naapertorlugu inuinnartut atisaqassapput. Napparsimasooq politiit biiliinik angallanneqassappat, sapinngisaaq tamaat inuinnaat biilii suliffimmi atorneqartartut atorlugit angallanneqassaaq.

§ 12. Pinngitsaaliissummik unitsitsinnginnermi sapinngisaaq tamaat napparsimasup qanigisaa ataaseq arlallilluunniit, pinngitsaaliissummik unitsitsinissaaq pillugu politiit ilisimatinneqassapput.

Imm. 2. Napparsimasup najugaqataa/najugaqatai imal. najugaqarfia sapinngisaaq tamaat isumaqatigalugit pinngitsaaliissummik unitsitsisoqassaaq.

Imm. 3. Imm. 1 naapertorlugu pinngitsaaliissummik unitsitsinnginnermi ilisimatitsisoqarsinnaasimanngippat, napparsimasup qanigisaaq ataaseq arlallilluunniit pinngitsaaliissummik unitsitsineq pillugu, politiinit piaarnerpaamik tamatuminnga ilisimatinneqassapput.

Kapitali 4

Napparsimasup unitsinneqarnera

§ 13. Dronning Ingridip Napparsimmavissuani tarnimikkut nappaatilinnut immikkoortortaqaarfimmi pinngitsaaliissummik uninngaviusussami nakorsaanerup, Inatsisartut inatsisaanni § 8, imm. 2, naapertorlugu pinngitsaaliissummik unitsitsinermi piumasaqaatit eqquutsinneqarsimanersut aalajangiivigissavai. Nakorsaanerup peqannginnerani tarnimikkut nappaatilinnut immikkoortortaqaarfimmi nakorsaaq alla aalajangiisuusinnaavoq. Taamaattoqartillugu aalajangiineq nakorsaanermit piaarnerpaamik isummerfigineqassaaq.

Imm. 2. Inatsisartut inatsisaanni § 5, nr. 2 (navianartorsiortitsisinnaaneq) naapertorlugu pinngitsaaliissummik unitsitsisoqarpat, napparsimasooq ingerlaannaq unitsinneqassaaq.


Imm. 3. Inatsisartut inatsisaanni § 5, nr. 1 (katsorsartittariaqarnee) naapertorlugu pinngitsaaliissummik unitsitsisoqarpat, napparsimasooq nakorsamit misissortereernerup kingorna piaarnerpaamik, kingusinnerpaamillu ullut arfineq marluk qaangiutsinnagit unitsinneqassaaq.

Kapitali 5

Atuutilersitsineq

§ 14. Nalunaarut 16. december 2013 atuutilersinneqarpoq.

Namminersorlutik Oqartussat , ulloq 2. december 2013


Steen Lyng


Ann Birkekær Kjeldsen